

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ
ҚАРОРИ

36 «Енгилсаноатсервис» унитар корхонасини қайта ташкил этиш тўғрисида

Ишлаб чиқариш ва ижтимоий инфратузилмадан самарали фойдаланишни таъминлаш, шунингдек тугатилган «Ўзбектўқимачимаш» ишлаб чиқариш бирлашмаси ҳудудида жойлашган корхоналар фаолияти учун қулай шарт-шароитлар яратиш билан боғлиқ харажатларни мақбуллаштириш мақсадида Вазирлар Маҳкамаси **қарор қилади:**

1. Вазирлар Маҳкамасининг 2009 йил 24 февралдаги 191-ф-сон фармоишига мувофиқ тегишли муҳандислик-коммуникация объектлари «Енгилсаноатсервис» унитар корхонаси балансидан «Тошшаҳарэлектртармоқлари» корхонаси ОАЖ, «SUVCOZ» давлат унитар корхонаси ва «Тошкентгазтаъминот» унитар корхонаси балансига бепул асосда берилганлиги маълумот учун қабул қилинсин.

2. «Ўзбекенгилсаноат» давлат-акциядорлик компанияси, Ўзбекистон Республикаси Давлат мулки қўмитаси ва Иқтисодиёт вазирлигининг «Енгилсаноатсервис» унитар корхонасини, унга Вазирлар Маҳкамасининг «Енгилсаноатсервис» унитар корхонасини ташкил этиш тўғрисида» 2008 йил 25 февралдаги 32-сон қарори билан юкланган вазифалар тўлиқ бажарилганлиги туфайли «Ўзбекенгилсаноат» давлат-акциядорлик компаниясига бирлаштириш йўли билан қайта ташкил этиш ҳақидаги таклифига розилик берилсин.

3. Белгилаб қўйилсинки, «Ўзбекенгилсаноат» давлат-акциядорлик компанияси қайта ташкил этилаётган «Енгилсаноатсервис» унитар корхонасининг ҳуқуқий вориси ҳисобланади.

4. «Ўзбекенгилсаноат» давлат-акциядорлик компанияси: тугатилган «Ўзбектўқимачимаш» ишлаб чиқариш бирлашмаси негизида ташкил этилган корхоналар томонидан инвестиция мажбуриятларининг бажарилиши;

тугатилган «Ўзбектўқимачимаш» ишлаб чиқариш бирлашмаси ҳудуди-

даги давлат мулки объектларининг сақланиши, қўриқланиши ва ҳудуднинг ободонлаштирилиши юзасидан мониторингни таъминласин.

5. Вазирлар Маҳкамасининг «Енгилсаноатсервис» унитар корхонасини ташкил этиш тўғрисида» 2008 йил 25 февралдаги 32-сон қарори ўз кучини йўқотган деб ҳисоблансин.

6. Мазкур қарорнинг бажарилишини назорат қилиш Ўзбекистон Республикаси Бош вазирининг биринчи ўринбосари Р.С. Азимов зиммасига юклансин.

**Ўзбекистон Республикасининг
Бош вазири**

Ш. МИРЗИЁЕВ

Тошкент ш.,
2011 йил 31 январь,
24-сон